

四庫未收書輯刊編纂委員會編

四庫未收書輯刊

北京出版社

玖輯·貳拾叁冊

四庫未收書輯刊

四庫未收書輯刊編纂委員會編

北京出版社

〔清〕魏元樞撰

與我周旋集詩十二卷文
二卷四六一卷雜體一卷
附寧武府志序一卷

清乾隆五十八年清祜堂刻本

玖輯・貳拾叁冊目錄

與我周旋集詩十二卷文二卷四六一卷

雜體一卷附寧武府志序一卷〔清〕魏元樞撰

貞一齋集十卷詩說一卷〔清〕李重華撰

生香書屋文集四卷〔清〕陳浩撰

芝庭文稟八卷詩稿十四卷〔清〕彭啓豐撰

志寧堂稿六卷〔清〕徐文靖撰

一

二三五

三四五

四三五

七五三

〔清〕魏元樞撰

與我周旋集詩十二卷文
二卷四六一卷雜體一卷
附寧武府志序一卷

清乾隆五十八年清祜堂刻本

乾隆癸丑夏五鐫

與我周旋集

清祜堂藏板

序

詩文之道得之乾坤清氣惟不急一時之名者乃能歷劫而不毀世俗毀譽皆不足憑延至數百年後遇巨手主持文運者別裁偽體鑒定而表章之然後大行文既可傳亦必待其時其人而後傳也然非由于孫門人校刊流播呵護珍惜以永之一紙之書斷爛於泥窗覆甌者良可慨矣若夫道德勲業彪炳千古之人皆無意於爲文偶爾載筆率多不自收藏而後之人景其高躅殘

序

一

篇剩墨莫不殷勤綴葺壽諸梨棗使來哲共相寶惜如諸葛忠武之集是已至如黃叔度德量宏深初無撰述論者比之於顏子而天祿外史一書覽者皆知爲贗作亦終不忍毀棄甚矣文者言之枝葉惟發於根本者真而可貴豈剪綵融蠟者之足擬乎豐潤魏先生臞菴起家進士仕至太守力行其所學進退皆合於古人繩墨晚歲里居自訂其所著十五種曰與我周旋集蓋其始也局戶劇研不假師友之助繼也當官清梗不肯俛仰

隨人方其命筆落紙盎盎然真意流溢行間一切塗澤
雕篆之習刊落殆盡所謂特立不懼獨有千古者歟嗣
君明府凜齋與余爲車笠交以傳相誣譏並屬校定其
詩文春秋兩易始克卒業蓋讀其文而因以得其爲人
因得其爲人而文益可重旣爲之傳奈訂其詩爲如干
卷文附諸後從陶集杜集例也大致詩主寫懷文皆紀
事未嘗爲空虛繆悠不切之說質有其文炳炳琅琅可
誦也余於此道殊淺而凜齋不以屬之他人其必有取

序

二

於拙直之素者耶凜齋方履亨途卓有聲績不但實傳
先集家學治譜聞繹前徽循吏文苑後先濟美斯集必
爲藝林拱璧矣爰拜手而爲之序

乾隆壬子嘉平日洛南後學薛寧廷譔

序

歐陽公有云文章止於潤身政事可以及物故其與學
者語惟談吏事未嘗及文章雖然文章之於吏事有二
道乎必刑名法術而後可以爲治必風雲月露而後可
以爲文乎修辭立誠所以居業二者特異流而同源未
可判然以爲兩事也 豐潤魏臞菴先生舉雍正元年
進士與 先文端公爲同年生由郎署出典大郡愛民
慎獄禮士勸學所至以治迹聞晚年家居自定其集十

序

一

五種詩計十二卷直抒胸臆無詞人繪章繙句之習所
謂潤身以及物者先生殆兼之矣今年春余行部德州
道出歷下晤先生叔子禮焯凜齋明府於邸舍相與敘
世講之好因以遺集索序余少侍先公江南而先生歸
自汾晉後遂不復出南北異轍故未獲躬撰杖履與聞
緒言乃距先生之卒已三十有四年而余與凜齋宦遊
同方得以其蕪陋之詞挂名首簡可不謂厚幸與洛南
薛補山太史爲先生傳稱其詩集指事類情藻不妄摭

而舉念必在民莫知言哉余無以易之也凜齋來山哀
初攝利津樂陵二邑皆有賢聲今方令濟陽傳先生治
譜以教養其民政通人和之暇當必有所傳著紹其家
學則循吏文苑萃於父子之間余雖不文尙靳爲凜齋
序之

乾隆壬子四月初日年家子慶霖拜撰

序

二

汾州太守魏公傳

魏元樞字聯輝號臞菴遠祖曰來興在明洪武時有軍
功以千戶世襲家江南邳州分防塞外小興州後遷興
州前屯衛於豐潤遂家焉傳世至國初失職始以儒顯
有爲卽墨主簿者曰世道生諸生端端生諸生廷基工
行草與董宗伯其昌齊名自號冷灰道人是有爲元樞之
曾祖祖鏐增廣生父濱諸生名行具載邑志母劉氏元
樞於兄弟五人中最少早委身於學而家塾少墳籍適

傳

書賈寄卷軸數千因得縱覽通大義其視鄉里同輩鮮
當其意以爲不足師友獨扃戶誦讀達旦探古人奧蹟
久之剝然開解下筆汨汨來矣方槩如宰豐潤竒其文
拔冠童子軍充博士弟子又數年食餼假館授徒以養
父母泊乎喪葬盡禮均有聞於鄉人先是奉父命兄弟
析居元樞不能止而心傷之將已所分產盡推與諸兄
後四兄早世迎養養嫂終其身子女婚嫁皆賴焉自其
未第食貧時內行已卓卓如此雍正元年春秋兩試皆

捷遂成進士五年選河南靈寶縣令莅任月餘因公累誤去官

特旨送部引見以主事用明年補兵部武選司主事調刑部貴州司元樞感特達之遇勵精奉職折獄每多所平反上聞而嘉之賜珍果香藥同官皆不得預十一年由員外遷江蘇司郎中會爭一獄不能得即乞假歸里上聞而驛召限日行六百里入對獎諭以辦事勤慎不肯隨人俯仰使復其所而堂上官竟至降謫蓋

傳

二

世廟之明目達聰幽遐畢燭而元樞執法不阿誠足以動天鑒亦史冊所希聞也乾隆三年外轉寧武府知府府固新改至即請創寧武廟學起鶴鳴書院延師訓課士風立變又請祠祀明死事總兵官周遇吉以勸忠義纂輯府志八年始脫彙攝同關同知兼署鴈平道事派監三州邑賑務不避勞怨實惠周於部屋十一年蒲州屬廣靈安邑萬泉饑民聚眾脅官起大獄太府素稔其才檄往查辦或勸嚴設防衛元樞曰此饑民耳非畔也

傳

三

何張皇爲竟以單車往衆情洶洶元樞諭以禍福開倉先賑十日馳還面陳情形且自擅輒開倉之意太府悅欲題請賑兩月元樞以麥秋尙遠乞再加一月皆得俞旨准行人慶更生者萬口懽呼明年調繁汾州府積案數百月餘皆爲審結仍修西河書院祀先賢卜子振興文教懋遷遂末之俗至於今科第不絕又明年年六十有三慨然曰吾歷任中外二十年幸無大過今衰矣宜早退以返初服上官留之不可奏准以原官致仕囊無簞物行李一老書生爾爾發遠近士民攀送童孺皆爲涕泣街衢擁塞不可前數日始得離郊郭又明年旋里僭有讀書小齋曰尺蠖葺而居之破床敝几日坐攤書課子不問門以外事自訂生平十五種名曰與我周旋集蓋其介特本於天性形諸吟咏無矯飾焉未嘗以仕宦少移顧薄於已而厚於物出俸餘置義倉以贖宗族婚喪皆取給其中畧倣范文正公遺法刊碑瑯域刻所授誥封二代四品之文以榮其先皆竭力爲之卒

於乾隆二十三年二月十三日春秋七十有三幼學壯仕晚而怡志林廬十年而終進退哀於義禮君子趨之妻王氏繼以張氏劉氏子四禮焜禮煜禮焜禮煜焜張出餘俱出於劉禮焜庚寅科舉人簡發山東以知縣題補署利津樂陵皆有善政孫二十堂士域士堂諸生焜出爲禮焜後亦佳士也

舊史氏曰歷代史皆立循吏傳而惟兩漢爲最盛彼其惻惻忠愛去三古淳風未遠也元樞苦學如匡衡執法

傳

四

如張廷尉治民如黃霸興學如文翁持操如楊伯起視躬型俗如第五倫勇退如二疏皆漢人也唐之元結何易于猶當遜之他何論已余校其詩集指事類情藻不妄摭而舉念必在民莫行部所在摩拊黎庶如家人父子其於諸邊亭郭阨塞守禦堅瑕考古証今必挈其要而策其全時際太平中外無虞在他人或視爲迂圖矣所謂民之保障異於繭絲者文章經濟兼之矣 乾隆庚戌六月下潯洛南薛寧廷撰

與我周旋集詩卷一目次 并序

尺蠖引補序

先大父綸叟公隱居不仕晚年自號緘結道人構草廬五架以時息遊課子於其間顏其額曰尺蠖齋跋云君子藏器於身待時而動苟非其時遯世無悶也且天下未有屈而不伸者亦未有不能屈而能伸者也君子盡其在我待時而已諸子勉乎哉

與我周旋集詩卷一 具

一

先大夫於諸伯父中齒最幼而髫齡嗜讀有夙慧

大父愛之恐其過勞輒教以擊劍彈箏蓋自幼迄成立奉色養勤攻苦三十年恒於斯矣故初年之詩皆以尺蠖引名篇凡以明初志也原存古近體一百五首茲錄三十六首 男禮焜補序

車軸山無梁閣

浣女

送周都司之任玉田

晚望

送友人之楚 二首

崆峒懷古

南莊卽事

贈高通元道士

庚子下第作

九月望後志感 二首

與我周旋集 詩卷一 一

賀周都司晉武清海防遊擊

晚行山村

題河西廟壁

贈別朝鮮金中丞歸國 二首

和高麗使臣登薊州獨樂寺閣

甲辰除夕 二首

乙巳初春紀遊

感舊 四首

馬亦文見訪對談之作 四首

登資生臺

齋中偶成

丙午三月之望雨雪彌日紀事

石鼓歌

題天宮寺 三首

與我周旋集 詩卷一 一

三

與我周旋集詩卷一

聊城縣志卷之四

豐潤魏元樞臞菴著

洛南薛宁廷補山選定

男禮煜孫士堂校字

尺獲引

車軸山無梁閣

一峯何處生插地如邱阜千仞根焉托直從鰲背有峻
嶒高不極中涵造化久伊是何年人建閣摩星斗塔勢

與我周旋集

詩卷一

尺獲引

一

並倚天俯瞰雲霞首登臨四望開惟與絳霄友南極瀟
湘目萬里可引手北眺盧龍塞雄關懸臂肘左右指虛
無日月穿戶牖長嘯動天地沆瀣入吾口何須問蓬萊
大觀能不朽

浣女

館娃宮貯若耶空千載長聞越女風世上效顰多少婦
可能甘讓種蠡功

送周都司之任玉田

金泥忽下鳳皇樓玉滿琪田觀六駟自古英雄依日月

於今名將屬風流柳枝低蘸桃花水雲影同隨桂木舟

萬戶侯封應拭目驪歌別恨欲橫秋

晚望

遠近層山圖畫中登臨遙指入高空明霞翠靄重嵐氣

都變斜陽一抹紅

送友人之楚

驪駒初唱咽聲乾晤久方知別去難一片風帆飛漢水

與我周旋集

詩卷一

尺獲引

二

十年客況憶長安南溟春樹江天曉北海秋雲落日寒
佇看衡陽回鴈到雙緘幾下最情戀
班荆久識龍駒駿握手難成楚些吟月映征鞍霜氣肅
星隨遠旆曉雲深愧無寶劍千金贈每憶蘭言一片心
翹首關山山外路相逢知在幾遙岑

崆峒懷古

崆峒之山山凌空蜿蜒縹緲仙人宮明月峭崖懸玉鏡
白雲高嶺連飛虹廣成幽洞知何處鶴吟猿嘯惟清露

問道於今不計年玉牒金符久不度舊迹茫茫半流水
聯想多因傳誤矣悲歌慷慨入青冥遙情空隨烟霧裏
誰論胷中多瑰奇日月詞賦寫希夷青山槎枒仍太古
地久天長無改移

南莊卽事

徙倚高原望眼賒疎籬茅舍是誰家幽人春晝門常掩
開遍空庭桃樹花

贈高通元道士

與我周旋集

詩卷一

三

天台舊路問長生流水桃花滿澗明石髓延年非藥性
胡麻飯客共身輕山藏白日春常曉地隔紅塵夢亦清
仙境迴然人世外客吾來往話蓬瀛

庚子下第作

鐵戟雕戈敢戰聲驚魂草木盡成兵羞看霸越稱勾踐
終恥與齊讓管生騏驎自應空冀野鷺鳩曾許奮雲程
憑誰直瀉天河水撩洗胷中磊塊情

九月望後志感

升高枯壁上命也夫如何衰鬢臨年少羞顏對客多疾
風呼倦寢狂雪入悲歌更笑張平子說愁總未奇
深夜長無寐咄書自向空魚龍爭怪變燕雀盡幘幘杜
甫詩雖好王維曲未工驚人別有調不在綠桐中

賀周都司晉武清海防遊擊

風流推雅士武畧冠羣英知已盟肝胆寧民慰友生三
年今隔面萬里舊長城捧日君恩重擎天衆望傾令嚴
威海表譽滿動王京計日蹂吳壁拔矛壓晉營辟疆嘶

與我周旋集

詩卷一

四

陣馬行部看春耕獲隼高墉峻伏戎野莽平鼉鼉供架
梁鯨鱷聽談兵烽火連潮靜樓船破浪輕龍韜資水戰
魚鬣起邊聲蜚氣磨星劍鯢濤拂曙旌塞鴻隨一笑石
虎射三更露布提戈寫洋帆入貢誠風波恬島嶼珍怪
發蓬瀛山岳終難撼雷霆久有名詩書輝甲冑禮樂化
鯢鯨賈舶全通道星槎此問程暮雲連旆暗野墅帶花
明錫馬康侯早遙看百世榮

晚行山村

竹籬茅舍景蕭蕭日暮歸鞭帶月搖山外村烟穿石隙
雲間老樹在天腰鐘聲遠近空王寺曲徑高低野渡橋
人靜紅塵飛不起更餘清興過僧寮

題河西廟壁

城俯長溪溪抱樓每逢佳境便淹留閒中習靜常棲寺
物外忘機恣看鷗漫說請纓能繫越誰言投筆便封侯
行藏由已原無定枝齒頻須訪舊遊

贈別朝鮮金中丞歸國

與我周旋集

詩卷一 金

五

朝鮮自古文章地况是君家邁等倫折俎已承天上賜
彤璽驚見宴中新來庭最喜圖王會復命應知頌
聖人溟海波恬仍獻賦白駒常得樂嘉賓

漫道班荆少片言兩心已寫靜無喧相期致主懷冰蘖
莫使來王壤館垣覆幬詎因山海外車書長作蕩平藩
已知把臂難前定瑞雉逢迎滿故園

和高麗使臣登薊州獨樂寺閣

金天法界覆空壕海客登臨駐節旌盤谷晚霞浮檻動

漁陽春色入樓高因緣度世歸形幻寂滅無心脫劫牢
勝跡已超出入涅槃須憑珠玉落添毫

甲辰除夕

四十方當強仕日風塵老我客中身忽驚華髮催雙鬢
取次屠蘇到尾春鵬徙天池懷六月鴈行草閣聚三人
良宵莫遺尋常過共醉辛盤待曉新

平生不解題詩味說到題詩語未休誰向汝南逢月旦
久曾江左入陽秋初增季路重裊愧辜負樊英答拜儔

與我周旋集

詩卷一 金

六

不駐羲和天上轡又傳春思過黔婁

乙巳初春紀遊

初春乘興出郊坰四望溪山列畫屏平步高原堪放眼
偶逢牧豎欲忘形隔林隱現樓臺暗依舍迢遙草木青
滿目韶光須領畧何煩兀坐檢黃庭

感舊

結髮同牢十二年匆匆生死隔重泉垂髫弱女牽衣泣
失乳嬰兒抱濕眠玉鏡塵封人獨去瑤琴月冷鴈孤旋

功名遲慰陪燈火花語空期被墓田

淡泊由來性自安
蠶鹽朝夕有餘歡
三秋布被重加補
十載新衣久尙完
儉歲遞經常半飽
深冬酷冷不言寒
嬌兒幾度思瓜棗
襁負徘徊看早欄

男子無能百事羞
立身不獨愧箕裘
未酬司馬題橋志
已失梁鴻舉案儔
鶴翼長歌空有恨
牛衣獨泣倍含愁
營齋營奠難相負
惆悵青青草滿邱

十里平原孤塚存
霜天月黑泣飛燐
情牽兒女知腸斷

與我周旋集 詩卷一 八

七

葬違翁姑少鬼親
漿水我忘澆雨露
歲時誰與薦紫蘋
浮生宦海知何處
可許幽魂一問津

馬亦文見訪對談之作

瘦骨枯顏已絕倫
今年應比去年新
家饒萬卷堪稱富
囊澀一錢不愧貧
佳客談深清似水
寒燈挑盡冷於春
斗牛明月徘徊上
坐對宵光淨洗塵

林下翛然見伯倫
終年快飲興長新
憑將落拓參天地
羞把雲霄胃富貧
月滿南樓清入坐
鶯歌小苑已生春

開懷但寫樽前句
莫步康成車後塵

公庭萬舞愧伶倫
五斗誰干天祿新
入世迂疎同落魄
放懷天地不憂貧
浮名忍作風霜老
杯酒須消花月春
最喜故園清韻好
汲泉滿釜不生塵

文采風流已少倫
況逢佳夕對牀新
烟霞豪興能偷懶
松菊荒園可救貧
檢點閒懷無長物
品題詩酒有餘春
分明此意同人解
不染西風庾亮塵

登資生臺

與我周旋集 詩卷一 八

八

極目登臨嘯海天
天空高遠與雲連
春山掩映孤村小
綠水微茫落日懸
曲徑歸鞍分暮靄
平沙征鴈入晴烟
俗緣未了凡心在
矚付松風自護禪

齋中偶成

風塵勞動笑成虛
三徑雖荒有敝廬
措紙偶然臨碎字
開函隨意檢殘書
窗搖花影翻新樣
月透簾紋印舊除
無限流光客領畧
好憑清夢到華胥

丙午三月之望雨雪彌日紀事

大造生意何磅礴斗轉執徐草木樂欣欣向榮舞春風
甲坼根荂皆有托萬紫千紅闕芳妍角巾遊嬉談元著
挈榼提壺問黃鸝被袂流觴曲水的元氣氤氳沛大澤
芻狗于焉識橐籥偏宜細雨洗春叢如酥小潤花瓔珞
豈意飛廉憤放狂吹沙走石天漠漠連霄晦靈無顏色
教人詫訝天公錯半夜浙瀝洒窗櫺亦醒幽懷聲濩濩
凌晨黑雲壓城頭遙山遠翠已失昨茅屋蒸鬱如釜底
冷然空幙齒格格義和駐牧沈虞淵大地乾坤返渾噩

與我周旋集

詩卷一

九

燕雀雌伏庭戶寂予亦屈蟠學尺蠖半騷子弟多春愁
況是春寒凍魂魄幸有谷神長不死爭如窮鬼相束縛
閉戶擁衾檢老莊欲泚秃友探隱約推窗裏露滴鸛鶴
忽驚遙天成碧幕是誰擊碎水晶盤是誰傾倒珍珠箔
烏鵲豈非白鶴種疎籬誰令墁成堊大者如拳小如粟
紛紛攘攘逐簷落平憑樹外萬種花思登雲裏千重閣
指點混茫作梅莊收拾珠玉爲城郭空中雪猛地中雨
紅鑪點點誰銷鑠失候豈不笑天公到地猶能免殘虐

靈苗幾許經摧折應快培時深根脚陰陽既已不能賊
日月翻覺成寬綽雖復三日雪霏霏此心生意常躍躍
況當三農望雨時千里沾濡起民瘼十年無此三月雨
有雪無傷乎耕鑿惟願統論大恩膏莫以非時成駭愕
大麥小麥滿南畝飽飯轉眼得餽飪但借飢疲流徙人
雨雪淋漓卧溝壑彼蒼大虐亦大仁覆載隨人稱善惡
豐凶未必天能至自是隨分厚薄我今遙窺化育情
老生常談聊忖度

與我周旋集

詩卷一

十

石鼓歌

周宣續緒克中興大功播敷日方昇鼓鼙聲清勞將率
赫赫濯濯麻福凝因思當年鑄石鼓作歌揚烈何其武
纍纍大文成貫珠煌煌貞珉雄萬古神物鬱律人難識
不記甲乙埋塵土雷霆霜露拭其面垢膩時時洗風雨
籀史古蹟煥星躔只今惟見蛟龍舞蝌蚪詰曲不可讀
詳形測貌煩訓詁點畫縹緲曳晴雲鋒稜淋漓歧素縷
或爲薤葉禾穎垂或爲鳥跡龜紋譜隱隱隆隆月半蝕

斑斑駁駁虫新蠱模糊最訝癡眠多髣髴猶能以意補
九鼓有文一無文超然評議潔其身藉使沈淪長棄野
法物倔彊自有神繁誰徙者鄭餘慶遷汴來燕貌幾病
歸然彪炳太學中遠婉詩書輝孔孟河生龍馬肇羲畫
浴出神龜九疇賡遙遙前後相頡頏下嗤秦漢陳符命
燕然泰岱勒功德迄今久已值拊捥夏鼎商盤不復存
惟茲數石筋骨勁

題天宮寺

與我周旋集

詩卷一

八

十二

天宮古剎隔烟村曲徑通幽到法門樹裏鐘聲疑上下
雲間塔影失朝昏龍蟠寶柱無花雨石卧荒原有慧根
忽過化城聞戒律令人却愧給孤園

髫年此地幾經過轉眼興衰慷慨多臺上畫垣馳野馬
亭邊春草卧靈鼉風來簷際聞鈴語雲度林梢聽鳥歌
且喜遠公飛錫到方知蓮社本烟蘿

升高望遠叩禪扉樓觀參差聳翠微幽逕引泉僧洗鉢
虛窗啄木鳥忘機橋通南北人勞憩座領烟霞客懶歸

一味清涼何處覓紅塵隔斷是耶非

與我周旋集

詩卷一

八

十二